



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 7. Crux amata, & honorata à Christo.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Fecit potentiam in brachio suo. Luc. 1. 51. in cruce extento: quia diabolum superavit, captivos de Inferno liberavit, & Electos omnes ad superna levavit. Hugo Cardin. hic.

Ex Patribus, & aliis.

S. Polycarpus M. Smyrnenf. Ep. discipulus S. Jo. Ev. epistolâ ad Philippenfes: vincula MM. vocat decora, & coronas electas.

Cruce Domini armatura vestra invicta contra Sathanam; galea custodiens caput, lorica protegens pectus; clypeus tela maligni repellens &c. S. Martialis ad Burdegaleses ep. 1.

Scit exercitata mens, quos, ad prælium consummandum, sibi adhibeat; quibus armis instrueret; quibus ducat vexillis. Non aquilarum profert imagines, nec dracones; sed in Cruce Christi, & in Jesu nomine progreditur ad prælium: hoc signò fortis, hoc vexillò fidelis. S. Ambr. l. 2. de Abrah. c. 7.

Vicit Christus orbem terrarum, subiecit omnes potestates, subjugavit Reges; non superbo milite, sed irrita Cruce; non favens ferro, sed pendens lignò. S. August. l. 63. de divers.

Christus de Cruce sua vicit Reges; & subjugatis illis, ipsam Crucem in fronte fixit: & gloriantur de illa; quia ibi est salus eorum. S. Aug. in Pl. 95.

Tripartita ratio Dominicæ Passionis ostenditur. Prima causa est: ut Christus, pro reatu Mundi, redemptio daretur; & hostis antiquus velut hamò Crucis caperetur. Secunda est, ut sæcularis hominibus magisterium vitæ praberetur. Tertia, ut superbia Sæculi, & inflata sapientia, per Crucis stultam, ut putatur, prædicationem humiliata corrueret. Sanct. Ihd. de Matutinis l. 1. c. 29.

Cruce, Principum honor, Regum potentia, belli -- ducum victoria. Miraculorum nobis factorum coronis. S. Andreas Cret. or. in exalt. S. Cruc.

Hæc clypeus, atque armatura, & trophæum est, adversus diabolum. S. Jo. Damasc. l. 3. c. 12.

Rex cœli homini militavit; militavit dixit: Cruce enim pugnantem indicat. Euseb. Emis. hom. de S. Latrone.

Cruce signum Fidelium, & timor dæmonum. Triumphavit enim de illis in hoc signo. Ostenta illud audacter: quando enim viderint Crucem, recordantur Crucifixi. Metuunt eum, qui contrivit capita draconis. S. Cyrill. Jer. Catech. 13.

Non est aliqua armatura tam fortis; nec sagitta tam acuta, & terribilis, contra diaboli potentiam, & sævitiam; quam sic timet, sicut signum S. Crucis. Thom. Kemp. p. 3. f. 1.

Constantinus M. Byzantinos non felici præliò aggressus, fatigatus, ac marens, ex acie redijt. Jamque dies in noctem ibat; cum dubius, quid ageret, obtutu assiduò cœlum suspexit. Et en auxiliare prodigium! in precibus scripturam è stellis observat in hæc verba signatam: *In voca*

me in die tribulationis; & eruam te, & honorificabis me. Pl. 49. 15. Ad omen tam sublime initiò nonnihil expavit Cæsar; sed mox lætior oculos eadem viâ remisit ad cœlos, ubi alterum vidit ostentum, expressam è stellis Crucem; & circum eam hæc omninò verba: *In hoc signo vinces.* Nicephor. l. 7. c. 59.

§. VII.

Cruce amata, & honorata à Christo.

Pone me, ut signaculum super cor tuum. Cant. 8.6. Signaculum idem est, quod stigma, & signum; quale servis suis herus imprimit &c. ut ex eis liqueat, sua esse. Sic Apoc. 7. 3. omnes Electi signantur signò Crucis. Christus ergo sic sponsæ imprimit suum stigma Crucis; ut ex eo liqueat, eos esse servos Christi Crucifixi. Aponius apud Corn. hic. Putant nonnulli, teste Salmerone in c. 24. Matth. 30. Cruce, quasi testifera, & trophæò, in frontibus insigniendos omnes Beatos in cœlo: ut significetur, eos meritò Crucis, tam Christi, quam suæ, cœlum possidere. Corn. in Ezech. 9. Christus velut sigillum obsignat, & custodit, Fideles suos contra omnes tentationes, & hostes. Porro Christi sigillum est Cruce, juxta Ezech. 9. 4. *Signa Thau super frontes virorum gementium.* Et Apoc. 7. 2. *Vidi alterum angelum habentem signum Dei vivi.* Cruce enim nos muniat contra omnes illecebras Carnis, Mundi, & diaboli; facitque nos esse asceclas, milites, & Martyres Crucifixi. Corn. in Aggæum.

Parvulus natus est nobis, & filius datus est nobis; cujus imperium super humerum ejus. l. 9. 6. Crucem, quam imperii nominæ significavit, nativitatè statim adjuvit: quia profecto à Nativitatè exordio Passio Crucis simul exorta est. S. Bernard. tr. de Pass. D. c. 36. O quanta charitas! ò quanta commendatio charitatis! Vix natus est, cœli gloria, cœli Divitiæ, cœli delicia; & ecce recentè ortuè Crucis ignominia, Crucis dolor, Crucis paupertas, copulatur. Sed redemit miseriam Crucis Imperij nomen verum. Cruce etenim totum Mundum simul, & inferos subjugavit, qui regnavit à ligno fortis Jesus. S. Bern. tr. de Pass. D. f. 30.

Signaculum regum Cruce est: quam si in cordis nostri memoria portaverimus; tanti regnum Regis, quæ finem non habet, securè poterimus transire. Habet hoc sigillum imaginem Crucifixi Jesu, in ipso sigillo Crucis multus sulfuris effossam, & expressam; sicut in sigillis imaginum exprimitur fodiendo. Habet & superscriptionem, titulum à Pilato conscriptum: J. N. R. J. Sanct. Bernard. tr. de Pass. D. cap. 44.

Magna res est signum Christi, & Cruce Christi: & ideo de isto tam pretioso signaculo res magna, & pretiosa, signari debet. Quid enim prodest, si de annulo aureo sigillum facias, & putridas paleas intus recondas? Quid prodest, si signum Christi in fronte, in ore, gestamus; & intus in animo crimina, & peccata, recondimus? S. Aug. l. 115. de temp.

Chariora illi (Christo) fuere brachia Crucis, quam ubera Matris. S. Bern.

Cur Christus Crucem suam permittit venire in captivitatem Persarum quatuordecim annis? Resp. quia illam amavit ut Matrem suam Reginam Martyrum. Sylv. addit. in Jo. 2.

§. VIII.

Crux honorabitur in Judicio.

Tunc parebit signum Filii hominis in caelo. Matth. 24. 30. Signum autem verum, & proprium Christi, est Crux. Lucidum Crucis signum præ cæteris præcedens Regem, atque demonstrans eum, qui prius fuerat Crucifixus. Tremor est inimicis signum Crucis, & gaudium amicis in illum credentibus; vel qui prædicarunt, vel qui passi pro illo. Sanct. Cyrill. Jer. Ca. tech. 15.

Hæc rursus in secundo adventu Domini primo in caelo apparebit, tanquam pretiosum, & venerabile magni Regis Christi sceptrum. S. Ephrem serm. in pretiol. Cruc. D.

Apparente Cruce Domini merito omnia Mundi lumina obtenebrantur; ut dicat S. Basil. Seleuc. serm. de transig. vidit sol, quæ prius non didicit; ut qui doctus sit abscondi alterius luminis illustratione. In novissimo die etiam sol obscurabitur, & luna. Matth. 24. 29. Baezal. 4. c. 5. §. 21.

Considera, quanta sit virtus Crucis: in die namque iudicij *Sol obscurabitur, & luna non dabit lumen suum.* Ut discas, quantum Crux lunæ lucidior, & sole splendidior sit, apparebit tunc Crux. Sanct. Laur. Just. de ligno vitæ c. 4.

Ad famulatum S. Crucis, ejusque manifestandam gloriam, omnes convocantur nubes; licet ad majestatem ostendendam ipsius Domini una suffecerit. Sylv. in Act. 1. q. 18.

Quæres: an ipsa Crux lignea sit in caelo conspicienda? an illius effigies ex splendido formata ære? S. Ambr. S. Antonin. Abulens. Janfen. & alii, ex ære putant effigandam. Contra ipsam Crucem ligneam, divinâ redintegrandam potentia, & in die iudicij in caelo ostendendam omnibus hominibus, docent Ephrem, Chrysost. & hæc sententia probabilior. Ex quo infero: quod post Universale iudicium Crux lignea sit rependa inter choros angelorum. Imò & reliqua instrumenta Passionis apparebunt, ut columna, flagella, corona spinea, clavi, lancea, spongia; ut docet S. Thom. Opusc. 2. c. 244. Salmeron. &c. Sylv. in Matth. 24.

Idcirco forsân tempore Passionis obscuratus fuit sol: quia soli Crucis radij digni erant, qui & orbem, & oculos hominum, illustrarent. Ideo & ad finem Mundi sol obscurabitur, quia tunc apparebit signum Filij hominis. Alvarez Ill. 322.

S. Thom. addit. q. 90. a. 2. apparebit signum Crucis, ut per hoc iustior eorum condemnatio appareat, qui tantam misericordiam neglexerunt. II. ut dolores, mortem, & opprobria; quæ tantus Rex pro hominibus pertulit,

ante oculos eorum ponat, & increpet ingravitudinem.

§. IX.

Crux gloria Regum, & Christianitatis.

Signatum est super nos lumen vultus tui Domine. Pl. 4. 7. Lumen vultus Dei, est Christus Iesus; qui est splendor gloriæ, & figura substantiæ ejus, qui est vera lux; qui omnem hominem illuminat. Hoc tamen est super nos signatum, cum Christi nomen in fratibus nostris, per S. Crucis impressionem, est chrismate notatum. Sanct. Honor. term. in Invent. Sanct. Crucis.

Et sit splendor Domini Dei nostri super nos. Pl. 89. 17. Splendor Domini super nos est, quando Crucis ejus impressione decoramur, & vexillum triumphi ipsius in fronte portamus. Cassiod. hic.

Tunc exultabunt omnia ligna sylvarum. Pl. 95. 12. Theodoret. hic: tunc laudabunt omnia ligna nemoris; illa potissimum Deo offerent hymnum: quandoquidem ex ipsis salutare lignum fuit; in quo Salvatoris corpus suffixum fuit; per quod hominibus germinarunt bona. Hæc est ergo summa arborum laus, quod ex illarum genere nata, excisa, & fabricata, sit Crux Christi; quam humeris portavit, in qua Crucifixus pependit; quam fecit imperij sui sceptrum, militiæ suæ vexillum; tantoque eam in honore habuit, ut eodem, quod Deus ipse adorationis gradu, ab angelis, & hominibus, colendam proposuerit. Ob hanc eandem sui generis prærogativam exultare gaudiò, & DEI bonitatem prædicare, videntur regio vati arbores ipsæ: *tunc exultabunt &c.* Fernandus in Gen. 1. sect. 5.

Exultabunt Sancti in gloria. Psalm. 149. 5. Sanct. Hieron. exultabunt Sancti in Cruce.

Mihi autem absit gloriari, nisi in Cruce D. N. J. C. Gal. 6. 14. Poterat dicere in Sapientia D. N. J. C. & verum diceret: in majestate; & verum diceret: in potestate; & verum diceret. Sed dixit in *Cruce*. Ubi mundi Philolophus erubuit, ibi Apostolus thesaurum reperit: non contemnendo vile involutum pervenit ad pretiosum involutum. S. August. ex fragmentis, fragm. 27.

Mihi absit gloriari &c. quia in ipsa inveniuntur omnia, de quibus homines gloriari solent. Nam gloriantur aliqui de magnorum amicitia; at hoc maxime Apostolus invenit in Cruce: quia ibi ostenditur evidens signum divinx amicitix. Rom. 5. 8. *commendat autem Deus charitatem suam in nobis.* Gloriantur aliqui de scientia; & hanc Apostolus excellentiorem invenit in Cruce. I. Cor. 2. 2. *non judicavi me aliqua scire &c.* Nam in Cruce est perfectio totius Legis, & tota ars bene vivendi. Item gloriantur aliqui de potentia. Et hanc Apostolus maximam habuit per Crucem. I. Cor. 1. 18. *Dei Virtus est.* Item aliqui gloriantur in assumptione ad aliquod magnum Collegium: sed